

KHENPI G

Nungzui Khat Nung zuihsakna

1. Sawlna Lianpi
Nungzuite Suahsak ding Pasion Thupiak 240
2. Nungzui Hihna Kipatnate:
Topa kiangah Midangte Tunpihna 248
3. Nungzuite Nungzuihsakna 254

1. Sawlna Lianpi

Nungzuite Suahsak ding Pasion Thupiak

Laisiangtho bulphuhte	Matt. 28:18-20 Jn. 20:21 Phil. 2:2	Acts 1:8 Rom. 10:14-15	Mark 16:15-18 2Cor. 5:20
-----------------------	--	---------------------------	-----------------------------

b) Sawlna Lianpi bang hiam?

Zeisu in,

"Vantung leh leitungah thunethna khempueh kei hong kipia khinta hi. Tua a hihman in pai unla, minamte khempueh nungzui na suaksak un: Pa, Tapa le Khasiangtho min in na baptis unla, kong thupiak khempueh a zuih nading un na hihl un. Khanghuan a bei tektek dong a tawntungin note kong ompih taktak ding hi." a ci hi" (Matt. 28:18-20).

c) Teci panna a Thupina

Pasion in leitunga amite thupha ngahding in deih tawntung hi (Gen. 22:16-18; Psa. 67:1-7; 1Tim. 2:3-4; Rev. 7:9-11). Mihing in Pasion a lehdo ciangin, mite tunga a sangbel teci a hi dingin a Tapa a sawl ding vaihawm khinzo hi (Jn. 3:16; 20:21). Zeisu in Ama nasep a kicinsak khir teh, vangliatna sungah Khasiangtho hong sawl-a, Zeisu a zui peuhpeuh pen Ama tecite dingin a tat-hiam nading ahi hi. Tua pen leitung mong dong ading ahi hi (Acts 1:8). Khuamial sunga thangawk, leitunga a mite khuavak lah nading ngimna pi pen tawh Pasion in a pawlpi phut khinzo hi (2Cor. 4:3-4).

d) Bang sem ding i hiam?

Zeisu in Ama nung a zui mi khempueh pen lungdamnathu tangko ding leh leitunga minam khempueh lak-a nungzui a suaksak dingin nasep guan khin hi (Mark 16:15; Matt. 28:18-19). Eite pen Khazih tangmi-in hong kisawl khin hi (2Cor. 5:20). Pasion in Khasiangtho vangliatna tawh Ama tecite dingin hong kamciam khin hi (Acts 1:8). Eite nasep pen mite kikhelsak ding hilo in nungzui suaksak ding ahi hi. Mi kikhel cih pen a lungsim kikhel hi a, nungzui pen a nuntakna a khel mi ahi hi.

e) Koi pan kipan ding?

"Ahih hangin note tungah Khasiangtho hong tun ciangin vangliatna na ngah dinguh a, Jerusalem sung, Judia gam, Samaria gam khempueh leh leimong dongah ka tecite na hi dinguh hi." (Acts 1:8).

Sawlna lianpi in leitung khempueh ah eite hong sawl-a, tua leitung pen eite inn pan kipan hi. Tua hi a:

- i unau sanggamte, i lawmte leh i vengte tungah tecite hi ding hihang.
- i naseptia mun (sang, college cihite) leh i mimal tawh gamtat nate ah (gentehna in: bawhlung, tennis, nute kipawlnate cihite ah) teci pang ding hihang.
- Pasion in khuata, khuapi, khuapi lian aih keileh gamdangte ah Zeisu lungdamnathu a gen dingin hong sap leh, tua mun-ah Ama sapna i manh ding kisam hi.

f) Sawlna lian tangtun sak na sunga kalsuan pahding thu pawlkhat banghiam?

1. Thungetna

Gentehna in lungdamna thu gen nading hunhoih ading (Col. 4:3); reci panna-a Topa a ding nasemte ading hutna (Rom. 15:30-31); Pasion kammal genna-ah hangsanina leh vangliatna (Acts 4:29-31); anlakna lo sungah nasem ding sawl beh nading (Matt. 9:18).

2. Piakkhiatna

I sum i paite pia thei hanga (2Cor. 8:1-4) ahizong in a thupizaw in ei le ei leh i itte Ama dei h banga a zat dingin Pasion ading pia thei hihang.

3. Paina

Zeisu in hici om-in, mite kiangah leitungah hong paikik dong a ngak dingin hong sawl lo a, Khazih sunga Pasion itna thupha tawh kuama phakloh mite a va pha dinga leitung khempeuh ah a pai dingin hong sawl hi.

g) Nungzui Maan hihna ah Sawlna Lianpi tangtutna kihel hi

- Pasion in nungzui kh empeuhte leitung khempeuh ah pai-in Ama itna a gen dingin hong gen khin a, tua pen Zeisu tungtawn-a mihingte tungah a sepsa thu ahi hi (Mark 16:15; Jn. 3:16).
- Hih sawlna lianpi a thudon lo mite ading in a ciaptehuai thu om ding hi (Ezk. 33:8-9; Pro. 24:11-12).
- Pasion in mi khat ii kha pen leitunga hauhna khempeuh sanga a thupi zaw leh a manpha zaw in mu hi (Matt. 16:26).
- Hih leitunga mite pen lamet bei dinmun sung om uh a, amau lemetna pen Zeisu bek hi. Amah pen lampi, thuman leh nuntakna hi (Jn. 14:6). Amah pen amau kisap a dawna hi.
- Leitunga mi khempeuh in paulap neilo uh hi. Lungdamna thu a dawngkik lo khempeuh pena tawntung in mang thang ding hi (Rom. 1:18-20; Jn. 3:18; Matt. 25:31-46).
- Leitung mi a langval bangin lung damna thuzakha nai lo uh hi. Zeisu nungzui taktakte i hihna tawh Pasion lunggulh bangin leitung bup i phak nading in lungsim takpi tawh ei le ei ki-ap ding hihang (Jn. 3:16-17).

"Tua ahih leh amaute in amau uploh pa bangci koh thei dinguh hiam? Tua ciangin amaute in a thu a zak ngei loh pa uh bangci up thei dinguh ahi hiam? Amaute kiangah a hih khatpeuh om keileh bangci zak theih dinguh ahi hiam? A kisawi keileh amaute in bangci hih theih dinguh ahi hiam? A kigelhsa bangin, 'lung damna thu a puakte khe etlawm na lawmlawm e.'" (Rom. 10:14-15).

Vantunga mah bangin leitungah zong a Gam a kiphuh ding Topa in mu nuam hi (Matt. 6:10). Hih thu pen Zeisu nasepna ah kimu thei kikkik hi (e.g. Matt. 4:17-23; Matt. 6:33; Matt. 9:35; Acts 1:3). A taktak in leitung a Zeisu hong paina hih thu hang ahi hi (Col. 1:12-14). Pasion Gam pen nekna, dawna aih keh thugenna cih bang hilo in, Khasiangtho sunga thumaanna nopna lungdamna leh vangliatnate ahi hi (Rom. 14:17; 1Cor. 4:20). Zeisu in hici gen lai hi:

"Pasion Gam mita a kimu thei-in hong tung kei ding hi. Mite in Pasion Gam hilai ah om hi, hua lai ah om hi" zong a citehei kei dinguh hi. Ahang in Pasion Gam note sungah a om hi." (l.k. 17:20-21).

Tua hi a, koi koi ah i pai zongin Zeisu nungzuite i hihna tawh Pasion Gam eite tawh pai khawm hi. Thumaan nopna lungdamna leh Pasion vangliatna i nuntakna ah a kilat ding ahi hi. Tua hi leh Zeisu Khazih lungdamnathu i tangko teh teci panna leh i nuntakna-thupiangte tawh tonkhawm hi. Tua in eite sungah na a sepna midangte in a muh ding kisam hi. Mite in Zeisu nuntakna ah Pasion Gam a muh theih mah bangun eite nuntakna ah zong a muh theih dinguh kisam hi.

h) Bang hun ciangin Pasion Gam kicing takin kiphut ding hiam?

Zeisu in;

"Tua ciangin mi namkim tungah teci ahi dingin leitung buppi ah kumpi gam lungdamna thu kihilh dinga tua khut ciangin beina a tung ding hi." (Matt. 14:14).

Hun bei ciangin vang liatna leh minthanna lian tawh Zeisu hong paikik ding-a, Amah tawh a tawntunga om dinga a teelsate hong kaikhawm ding hi (Matt. 24:30-31; 1Thess. 4:16; Rev. 17:4). Pasion in mihingte khate manpha sak mahmah a (Mark 8:36). Khat nangawn a mangthang dingin phal lo hi (1Pet. 5:8; Jn. 10:27-30). Ahizong in Zeisu Khazih lungdamna thu a sang lote in nuntakna mu lo dinguh hi. Banghang hiam cihleh Pasion hehna tuate tungah om ding hi (Jn. 3:36). Mi khempuuh in Pasion thukhenna thuak dinguh a (Heb 9:27), a wawh bang tek-un a gah ar dinguh hi (Gal 6:7). Mi khatpeuhin a Topa leh a Honpa in Zeisu a nial leh leitungah khuamial sungah om in nopna lametna, lungdamna mawhmaisakna leh kicinnate neilo dinguh hi. Banghang hiam cihleh a tawntuang in Pasion kiang pan-a daantatna leh kikhenkhiatna thuak dinguh hi. Zeisu nungzuite i hihna tawh, Pasion neih a mangthangte a ding lainatna lungtang i neih ding kisam hi. Zeisu tawh lo-a a site tunna ding i tel thei hi. Tua hi a, sawlna lianpi-a thupiak pen i thupi ngaihsut mahmah ding na khat ahi hi. A taktak in hih sawlna lianpi pen mi khempuhte Christian nuntakna laigil ahil ding ahi hi.

j. Khasiangtho Vangliatna tawh Teci panna

Khasiangtho ii sep ding mun maanpen i nuntaknate sunga teci panna hi. Hih pen a tawnung pen a kipan mi mawkmawkte kihel theihna ahi hi. Mi tampite pen tua pan in nak pial mahmah ta in amau tawh kisai lo, a dik lo biakna kipawl khopna ah kihel uh hi. Dahhuai tak in a kimuh pihte kiangah christian hing a ci mite nuntakna ah Khasiangtho vangliatna tawh thu gen ding kisam mahmah ta hi. Hih pen ei hun sunga tona lian hi. Mi mawkmawkte nuntakna sunga a uphuai dingin christian upna pen a kimu thei ding hiam. Launa leh natnate tona leh ngongtatna nuai a a nungta mite leitungah Zeisu a upna hangin kilamdanna khatpeuh a piang thei ding hiam?

Mi hingte nuntakna tangthu beisa sungah Khasiangtho vangliatna a kilatna dingin nuntakna vaite sungah a kisap mahmah hun om ngei nai lo hi. Christian i hihna tawh i tuam om ding hilo a, ahizong in hoihna, kikopna, itna, dinmun, leh nuntakna ah a lamdang zek ding ihi hi. Zeisu pen biakna hanga a tuam om hilo in mihing taktak khat hi. Ama lamdanna hangin mite in Ama nung zui hi; tua bangmah in Ama lamdanna pen hoihna leh Pasion itna a mudah mite tawh kikhensak hi. A tawpna ah tua in amaute ading telna khat bawlsak uh hi. Pawlkhat in Ama nungzui-in pawl khat in Amah khailum uh a, ahizong in a khai lumte nangawn in Ama nutakna tei panna tel nial thei lo uh hi. Thu-um mi khempuuh pen amau nuntak hun sungin Zeisu nuntakna leh vangliatnate adinga nungta

tate suak ding hi. Mi tampite biakinn sungah lut ngei lo in, Laiiangtho zong lem ngei lo dinguh a, ahizong in nisim in eite nuntakna hong mu dinguh hi.

Nungzuite tunga Pasion Khasiangtho hong paina i ngimna taktak pen tel a hi ding a kisakkholh sakna ding ahi hi. Hehnem pa pen mite nuam tak a a om sak dingin hong pai lo a, Zeisu a ding tecite a suaksak ding hi zaw hi. (Act. 1:8). Hih pen amaute kilamzia leh kipawl khopna tawh gupna thugen 'saithau' cih kammal ading bek hi lo hi. Hih pen limtaka Khasiangtho nasepna ah amaute nuntaknate a kipia ding thu-um mite tunga kamciamte ahi hi. Eite pen Pasion Gam tecite dingin hong kisam zo hi. Mimal teci pan na thusim pen kigakcipna hilo a, ramvei pi a mawh khate leitunga a tai dinga laihawm lompi khat tawh kitel lo kician lopa a upmawh thu-a, galkuankhiatna hilo a; ahizong in mi pawlkhatte dotnate a dawng ding dawna khat tungtawn a, itna taktak leh Zeisu vangliatna a omna mimal teci panna vangliatna hi. A thupi bel in christian in midangte tawh nisim-a kizop tuahnate leh kihelkhopnate pianken ngeina banga ngeina kantanna uh pen mansuah khin uh hi.

Zeisu ading tacite hihna tawh i nuntaknate pen a lamdan ding leh Pasion in semthei hi ci-a, i hihl thute tawh kithu tuak a i om ding kisam hi. Tua banah eite sungah Khasiangtho vangliatna tuamcipna kisam hihang. Gamtat hoihna in Khasiangtho vangliatna mun la thei lo hi. A pai khialte leh a haite bang a hong kikoih phial zongin mipi mai-ah Zeisu ading teci i panna dingin i kam i mukte i hon ding zong kisam hi.

k) Tu in Eite Hun hita hi

A hunhun in teci khat lo tawh Pasion om ngei lo hi cih genna pen maan a, ahizong in tu hun pen cima hun hi ta hi! (Esther 4:14; 2Pet. 2:9). I teci panna ah i lawhsap leh ei khang hun ah teci om lo ding cih phawk ding hihang. A beisa a teci pannate hoih hi, ahizong in tuni-in i zopsuak toh ding kisam hi. Eite nuntakna in Khasiangtho vangliatna tawh Zeisu tungah teci i pan keileh, nisim a i kim le pam a om mite in Pasion hoihna a theihna dinguh teci dang ngah lo dinguh hi. Eite khang mite tungah Khazih awnging ahi dingin mawhpauakna nei hihang. Mi dangte mitsuan ding hoihlo hi. I nuntakna sungah Khazih vangliatna teci a pang dinga a suak ihi hi.

l) Eite hong Panpih Kha

Gentehna masa pen in mimal teci panna ah kivakna tungah kinga lo in eite kihonna, kiphal vantungah kinga zaw hi. Mimal teci panna pen thuhilhna aih keileh mipi mai a teci panna nangawn hilo a, nisim nuntakna ah Pasion tungah kihong a nisim a i kinahvawh pih mite nuntakna sungah eite sungtawng pan a hong luang Pasion itna maan phalna ahi hi. Khasiangtho vangliatna pen Amah a um mi khempeuhte sungtawng pan-a luangkha 'nuntakna tui' hi ci in Zeisu in gen hi (Jn. 7:37-39). Khasiangtho tawh eite tungtawn a Pasion in a sepnop bangbang ading in i kiphal ding kisam a, Pasion in Ama nasep a sep theihna ding mun bangdan in i nuntakna khempeuh i ki-et nop ding kisam hi.

m) Khasiangtho Panpihna i Teltheih nading Thupi Sagihite

1. Sinkhakna (Expericence)

I teci pen Khazih i sinkhakna pan khangto hi. Sinkhakna longal pan in a taktak leh thuman taktak om lo hi. Banghang hiam cibleh thuman khat pen i tuah khak

matengin bangmah muibutna omlo hi. Tua ciangin i nuntaknate sungah hong taksuah in vangliatna hong nei hi. Zeisu in thuman thutak thei in tua thuman thutak in note hong suaktasak ding cih gen hi (Jn. 8:32). Hih pen nungzui hihna laigil taktak hi.

Nungzui mikhat pen thungahsutna maw gelkholhna maw bek hi lo in, thuman thutak zuihna hi a, nuntakna a kikhelsak thu taktak hi. Nungzui khat in Amah leh Amah lampi, Thuman leh Nuntakna hi ing a ci pa tawh mimal upna kizopna leh ki-apna nei hi (Jn. 14:6). Hih pen Zeisu tangthu a genkik thei mipa leh 'thei ing' a ci mipa a kilamdanna hi (2Tim. 1:12). Khasiangtho in Pasion hong sinkha sak hi. Eite a ding a Khazih in a sepnna pan-a mawhmaisakna leh suahtaknate i nuntakna sungah hong taksuaksak hi. Pasion vangliatna eite sungah hong khahkhia a, tua mah tawh Pasion Gam thutak sungah nungta in gamtang thei hihang. Tua hang mah in kikhelna leh ki-ap nate kilamdang pha mahmah hi. Tua ciangin i nuntakna lampi lui pan kihei khiakhin in, Khazih sunga nuntakna thak taktak ah i tumkhirna thei thei hihang.

Biakinn a lut ngei lo leh Laisiangtho a sim ngei lo mi tampite a dingin a theih khak ngei uh Pasion vangliatna dingin i nuntakna pen a masa pen leh a thupi pen teci panna suak hi. Mi khat in a gengei mah bangin, 'i nuntakte pen mi tampi in a sim khak ngei amasa bel Laisiangtho hi kha ding hi! Mimal teci panna ding a vari pen Khazih tawh i nuntakna i sinkhak eima aituam thute sung mahmah ah Khasiangtho tawh kilam hi.

2. Khamuanna (Assurance)

Khasiangtho mahmah pen a masa pen leh a thupi pen in Zeisu tung mahmah ah teci khat hi. Zeisu kiangah hong paipih pen Khasiangtho hi a, Zeisu ii nuntakna, sihna leh thawhkiknate a khatna hong pulak hi (Jn. 16:13-14). Ahizong in eite sungah zong teci ahi hi. Hih pen thu-um mite i hihna ah i khamuanna leh i lung muanna bulpi ahih hi ((Rom. 8:15)

"Na-up khit uh ciangin ama sungah tha hong kiciamsa Khasiangtho a ki ciamtehsa na hi uh hi. Tua Khasiangtho pen Pasion neih sate tat khatni hong tun mateng i luah ding hong ciamna a hi, khamkholhna ahi hi." Hi hi a 'khamkholh na' cih pen hong pian khatcilna Greek pan 'zuthawl piakna' (khamkholhna khutbuh) a cihna zong ahi hi. Tua hi a Khasiangtho pen lawm kingsi nihte kikal a khamkholna khutbuh banga hong kipia khin ahi hi. Hih lai-ah mimal teci panna ii muibutna thusim om hi. Hih pen lunghihmawh nading leh lungkham nading hilo a, vantung Pa leh a suakthak a tano kikal a, a om lungmuanna leh muanna tawh kizop tuahna teci a panna khat hizaw hi.

3. Hangsanna (Boldness)

"Tu in Topa aw amaute hong tawwna uh ngaihsun in la, hangtaka na thu a gendingin ka nasepte hih theihna hong guan in." (Act. 4:29). Christian masate in amau le amau ngah a hilo hangsanna tawh thungenna leh gamtatna nei uh a tua pen a lungtang sung vua Khasiangtho nasepna gah hi. Nungzuite in Zeisu tangin amau thu a gen peuhpeuh ciangun launa a neih lohna dingun Zeisu in kamciam khin hi. Banghang hiam cihleh tua bang hun ciangin a gen dinguh thu kipia ding hi. Zeisu in amaute a sawlna ah citak tak-a teci a pang dingte ading in kammalte leh vangliatna

Khasiangtho in pia hi cih Sawlkrak Laisiangtho sungah teltakin hong lak hi.

4. **Thu theih telna (Understanding)**

Mi pawl khate in lungmuanna nei lo uh ahihman in a upna uh leh a nuntakna sung vua Pasion nasepna a sinkhakte uh a genkhiat ding lauthawng uh hi. Hih launa pen theih loh man a hong piang ahi hi. Amaute teci panna pan a hong piang thei ding dotnate aih keileh haksatnate dawnkikna ding zah a kicing in a theilo in kingaihsun uh hi. Hih launa na beisak na dingin a baihno kal-thum nasuan ding om hi.

Amasa in, na omna nun pan kipan in. Teci panna khat pen nang na nuntakna sung ngiat ah Pasion na theih nading koici pai na hiam cih teci panna hi. Mite in Pasion thu thuk kiciamnate deiho a, midangte in hong dot ngei khol loh ding midangte dotnate tawh kisai na launa pen hong thazawmsak dingin satan in hong ze-et kha ding hi! Leitung bup ah mi dang in a theih loh bang hiam khat theih hi teh; tua pen Khasiangtho vang liatna tungtawn a Khazih sungah Pasion in nang ading hong bawl khitsa khat ahi hi.

A nihna ah na omna mun pan kalsuan khat ding khentel in. Khasiangtho mahmah pen na siapa hi. Hun la in, Laisiangtho tawh kibuan le cin, na thu theih telna sungah bangzah a na khat toh lam lam dang na sa ding hi (1Cor. 2:12-13).

A thumna ah, Na thu theih telna a khat nading in na ngah theih na peuhpeuh pan huhna zong in. Tu hun ciangin i khathu thutheih telna hong huh dingin na tampi tak om hi. Gehtehna i laibute leh a khatna gennate Topa tungah i hun leh i lungsim pia nuam in, i nuntakna ah hong vuk a thupi lona tampite hemkhia ding hihang.

5. **Hih theihna (Capability)**

Khasiangtho letsongte pen teci panna muh sangin a kiman thei zawkna i nuntakna sungah om lo hi. Khasiangtho in thugen nading vangliatna bek hong pialo in, pilna leh thu khentel theihna letsongte tungtawn in a kisan dinmun hun lianlian in bangci pau ding cih zong hong lak hi. Eite khempeuh pen paikhia in minam khempeuh nungzui suahsak ding sawlna lianpi limnuai ah i nungta uh hi. Ahizong in hih nasepna sungah ei le ei kinu sia lo hihang. Zeisu in a nungzui masa pente kiangah a maute tawh a tawntunga a om khop ding kamciam pia a, eite tawh hong om khawm tawntungin vangliatna leh lamahnate zong Ama ading a teci i panna ah nisim a hong sem theisak dinga hong sawl Khasiangtho tungtawn in hong pia hi.

6. **Hunhoih Hunpha (Opportunity)**

Khasiangtho in pasal leh numei mite a muibun teci panna sungah makaih hi. Lungdamna thu a kisan nading a bawl kholhna sa mun ah kongkhak maante a kihon na dingin Khasiangtho in pankhia tawntung hi (gentehna in Acts 8:26-39). Nisim a thupi pang khempeuh ah Khasiangtho makaihna a zui dingin i kiginkhoih leh nuntakna in a thak in kikhah hi. Eite tawh a kisaikha dingte lungtang leh nuntaknate Khasiangtho in bawl khol dinga tua tawh Zeisu vangliatna ah a marte i piak teci sang thei dinguh hi.

I nuntakna buppi pen hun hoih hunpha hi a, Khasiangtho sep theih nate ah i nuntakna i hon leh Zeisu in eite ading a hong ngimsak i upna i tangko nading in

bang zahtak in hunhoih hunphate hong kipia cih lamdangsa phial ding hihang. Hih pen mite nuntakna nawngkaisak tawntung ding kisam cihna hilo a, Ama Khasiangtho tawh Topa in lampi hong honsak banga a nungzuih ding kisam hi cihna hi.

Teci cih in khatna tampi nei hi. Khatvei ciangin i up bang hi a, bang hang om i hiam cih kitel tak-a pulak na bawlina ahih hun om ding hi. Hun dangte ah tua bang hun sungah Pasion a dinga a sem khatie i hihna zong hi a, eite lungsimpunkte tungtawn in Ama itna leh vangliatna a pulakkhia leh midangte ading veina neihna ahi hi. Thupiang khatpeuh ah, ei le ei ading in teci hilo in Topa Zeisu Khazih hong itna vangliatna ading hi thei hi (2Cor. 4:5).

7. Itna (Love)

Ama tecite ahi dinga hong zol pen Khazih itna mah hi. Eite pen launa, kisuanna leh mawhpaihna in hong sawl lo hi. Hite khempeuh pen Pasion itna maisakna vangliatna tungtawn in kihemkhia khinzo hi. I lungtang leh i nuntakna sung pan Pasion itna taktak thei khin i hihman in midangte zong ahi thei zahzah in tua letsong mah hawmsawn nuam hihang (2Cor. 5:14). Mite in hihbang tawh itna taktak ngah kha thei hi. Hih pen mihing pianken-a hong mawk pian hilo in, i lungtang sunga Khasiangtho nasepna gah pan-a hong piang nakhat mah hi zel hi (Rom. 5:5). Kammalte sanga a thupizaw na khat ah i teci pannate a kikhelsak i sunga nasem pen hih itna vangliatna ahi hi (1Jn. 3:16, 18).

n) Dotnate leh Kikup Khopnate

1. Sawlna lianpi na tangtung sak hiam?
2. Sawlna lianpi pen Zeisu nungzui khatciat nuntakna leh a taktak in pawipi mahmah ah thubulpi laigil ahi ding hiam?
3. Paul nasep pen eite aa mah ahi ding hiam? (Acts 20:24).
Paul mah bangin a kibang lungsim puak i neih ding mah hiam? (Phil. 3:12-14). Zeisu lungsim puak bang ahi hiam? (Luke 4:43; Jn. 9:4).
4. Zeisu nungzuite i hihna tawh koici nuntak ding i hi hiam? (Luke 9:62; Eph. 5:15-18).
5. Na lawmte, na vengte leh na u leh naute tungah teci panna na kipan nai hiam; nasepna leh sanga na theih mite; khualak gamtatna-a na theih midangtetungah teci na pang nai hiam? Na pan nai keileh, na kipan ta ding hiam?
6. Banghang in tuni ciang dong Zeisu hong paikik nailo hiam? (1Pet. 3:9-15).
7. Na nuntakna in mite Zeisu kiang a tun hiam, aih keileh a kigamlasak hiam?
8. Zeisu a ding teci khat a hi dingin leh sawlna lianpi a tangtung sak dingin na nuntakna sungah mupia in, hunhoih hunpha na pia khin zo hiam?

o) Tomlakna leh zatpahna

1. Zeisu nungzui khatciat pen paikhia in Zeisu ading nungzuite a suaksak dingin Zeisu in sawl khinzo hi.
2. Pasion in mihingte hong it lua ahihman in eite ading a a si dingin a Tapa neihsun Zeisu

hong sawl hi. Mihingte in Pasian hong piak a san keileh, a tawntung in mangthang ding hi. Zeisu nungzuite i hihna tawh eite in hih thu a pian loh nading in Khasiangtho vangliatna tawh midangte kiangah i vaphak ding kisam hi.

3. Minam khempeuhte tungah Pasian Gam thu a kigen khit teh Zeisu hong paikik in beina hong tung ding hi (Matt. 24:14).
4. Eite nuntaknate pen amau leh amau in Zeisu teci hi ding hi.
5. Khasiangtho hong pai na a hang lianbel pen teci pan nading a Zeisu nungzuite a kisa khol sak ding ahi hi.
6. I khang hun i phak keileh kuamah dangin phalo ding hi.
7. Pasian thuman thutak sinkhakna pen i nuntakna hong kikhelsak ding leh midangte in eite nuntakna hong muhna-ah maan leh a kilawm thu ahi hi.
8. Pasian itna leh vangliatna a thei Zeisu nungzuite hihna tawh, tua bangmah a lungdam dingin leitunga mikhempeuh i deih ding ahi hi.